



Publicaziuns officialas dils 03-09-2010

Damonda da baghegiar

Nr. 68/2010

Datum da publicaziun: 03-09-2010

Patrun: Cajacob Simon, Via Principala 87, 7175 Sumvitg

Object: Engrondir la platta da grascha sin parcella nr. 805 a Surrein, Caglieci.

Ils profils ein tschentai ed ils plans da construcziun ein deponi tier la canzlia communal. L'investa publica cuozza 20 dis dapi il datum da publicaziun. Eventualas protestas encunter sura damondas da baghegiar ein d'inoltrar:

- a) appartenent il dretg privat agl uffeci circuital Cadi, Mustér cun ina copia alla cumissiun da baghegiar
- b) concernent il dretg public alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 03-09-2010

Cumissiun da baghegiar

Scamond d'encurrir bulius

Sebasond sils art. 11 e 12 dalla lescha davart la protecziun da plontas e bulius ha la Regenza dil cantun Grischun decretau restricziuns.

Ei setracta en special dil suandont:

- Egl interval dils 1 entochen e cun il 10avel di da mintga meins eis ei scumandau d'encurrir bulius da tuttas specias.
- Il quantum maximal ch'astga vegnir rimnaus per persuna e per di munta a maximal 2 kg da tuttas specias.
- Igl ei scumandau da rimnar bulius en gruppas da pli che treis personas.
- Il diever d'utensils per rimnar bulius ei scumandau.

Surpassaments da quellas prescripziuns vegnan puni a norma d'art. 16 dalla lescha cantunala davart la protecziun da plontas e bulius. Nus supplichein da respectar quellas disposiziuns ed engraziein per tutta capientscha.

Sumvitg, 03-09-2010

Suprastonza communal Sumvitg

Uffeci civil Cadi

Mortori

Cadalbert-Duff Maria Elisa, naschida ils 08-07-1916, morta ils 23-08-2010, stada sesent a Sumvitg, Cavischlè 49B.

Sumvitg, 03-09-2010

Controlla da habitonts Sumvitg

Fiasta dil vitg a Cumpadials

L'uniun da cultura e sport envida tuts vischins e tuttas vischinas da Cumpadials e Laus sco era parents ed amitgs d'ordeifer alla usitada fiasta dil vitg. La fiasta ha liug **dumengia, ils 5 da settember 2010.**

Program

10.00 Survetsch divin e silsuenter aperitiv.

12.00 Gentar communabel sin plaz scola.

Suentermiezdi

– presentaziun da fotis dil vitg

– usitau «Gumpischloss» per ils pigns

Nus selegrein da beneventar Vus e da star da cumpignia ensemen. *Uniun da cultura e sport Cumpadials*

Concert per nossas senioras e nos seniors da Rabius e Surrein

Dumengia, il 12 da settember 2010 allas 14.00

La Societad da musica Surrein-Rabius envida cordialmein las senioras ed ils seniors da Rabius e Surrein ad in suentermiezdi da cumpignia cun concert en casa da scola a Surrein.

Uniun samaritana Sumvitg

Igl exercezi meinsil dil settember ha liug **mardis, ils 7 da settember** allas 20.00 a Rabius ell'aula dalla casa da scola ensemen cull'uniun da Trun.

Uniun sportiva Surrein

Turnier da minigolf per in e scadin

Sonda, ils 25 da settember

Entschatta allas 13.30, piazza da minigolf, Mustér. Rimnada entuorn las 13.00 avon baselgia. Tscheina e rangaziun allas 19.30 ell'ustria Greina, Surrein. Sin stedia participaziun selegra *la USS*